

ղակի եկամուտ չէ ստանում: Հասոյթը թող տրուած է խաներին նորա համար, որ նորանք այդ միջոցով կարողանան զինուորական դժ պահպանել և առհարկին պաշտպանեն երկիրը նորա թշնամիների դէմ: Այդ հիման վերայ պատերազմի ժամանակ Մագուն պարտական է հարիւր այրուծի և մի վաշտ հետի զինուորներ ճակատեցնել. Աւաջուղը երկու հարիւր այրուծի: Բայց խաները ի չարն են գործածում շահից տուած արտօնութիւնը. զինուորական պատրաստութեան համար բոլորովին հոգ չեն տանում: Նոքա աշխատում են միմիայն հարստանալու, դորա համար էլ աւերում են արքունի գիւղերը և այդ աւերմունքներից հիմնում են իւրեանց համար սեպհական գիւղեր *):

Խանութիւններից երկուսը նոր ժամանակում են հիմնուած. Աւաջուղի խաների հայրը Գիւմրեցի է: Հիւսէին աղէն Հայտարանցոց ազնուա-

*) Խոները իրանց սեպհական գիւղերը բազմացնելու համար դնում են արքունական գիւղի մօտ եղած մի աղնուականի հողերը եւ նրա վերայ շինում են մի նոր գիւղ: Այդ գիւղը բնակիչներով լցնելու համար ճնշում են արքունի գիւղում բնակվածներին զրկելով նրանց ուղղելու քրից, երբ դա առատութեամբ բաժանվում է նոր գիւղում: այդպիսով թագաւորական գիւղացիները ստիպված են լինում փոխադրվելու: